


HARVARD COLLEGE LIBRARY
FROM THE
HARVARD-YENCHING
INSTITUTE
JUL 18 1930

3

ChL 3040/1632.83



西湖志纂卷之四

南山勝蹟一

自城內

行宮出湧金門瀕湖而南合清波門經茶坊嶺過長

橋至南屏山為南山總路

行宮 在湧金門內太平坊舊為織造府康熙二十

八年

聖祖仁皇帝南巡

駐蹕於此



御製巡幸杭州詩

東南上郡古臨安親採風謠一省觀翠岫龍從猶舞鳳
羽旗簡約不鳴鑾春輝草木江山麗戶滿絃歌雨露寬
德化遠敷吾未信如何夾道萬聲歡

自後屢蒙

巡幸即奉爲

行宮四十五年織造孫文成敬謹增葺

禁籞森嚴規制整肅外列百官朝房環拱北向開濬
城河以達湧金水門乾隆十六年春

皇上省方幸浙

親奉

皇太后鑾輿

駐蹕宮中萬姓嵩呼歡聲雷動

御題正殿之額曰

觀風浙水

御書聯句云

煙火萬家添勝概

江山千里引遙情

御題第二層殿額云

雅宜清致

御書聯句云

臨憩名區欣富庶

咨諏善俗識游歌

御題垂花門內正殿之額曰

熙春仙館

御題垂花門內第二層殿額曰

明秀澄觀

御製三月朔日車駕至杭州駐蹕之作

今春三度茁初蕈恰值餘杭翠輦停展義省方欽

祖烈承歡祝嘏奉

慈寧

三朝休養繁滋息萬里提封在戶庭覽彼就瞻心實切慚

茲懷保德非馨人文舊地風猶樸禮樂名邦教易型

明聖湖重瞻

聖藻飛來峯已送來青昌昌艷裔差無負濯濯林泉信有

靈即漸風光臨上巳便當觴咏賞蘭亭

翌日

上奉

皇太后鑾輿

臨幸吳山

御製巡幸杭州恭依

皇祖詩韻

銅龍不異日詢

安掖輦吳山賞大觀煙火萬家來闕俗春風三月斬遊鑾
承

顏悅志期無忝咨吏安民要在寬秀麗湖光豈無助每成

佳句亦增歡

湧金池 在湧金門內萬歷杭州府志吳越清泰

元年守將曹杲引西湖水為池錢王元瓘書湧金

池三大字刻石其處郭祥正湧金池詩衆沼皆涵

碧斯池獨湧金寶光中夜見

還照月華深嘉澤廟 在湧金門內井亭橋西咸淳臨安志祀

唐相國鄴侯李泌德宗興元間泌守杭有風績杭

地瀕海民苦斥鹵泌鑿六井開陰竇引湖水入城

以資民汲郡人德之爲立祠西湖遊覽志宋嘉定中賜額嘉澤安撫潛說友拓地鼎建元季燬成化間重建前有井徑丈許底與湖通泌所鑿也井有金魚數百游泳其中

金華將軍廟 在湧金門內西湖遊覽志神姓曹名杲真定人仕後唐爲金華令郡兵叛以計平之吳越王嘉其功擢守婺州宋初錢氏入朝委以國事杲即城隅浚三池以通城河名湧金池民爲立祠

湧金門

瀕湖西湖遊覽志即金牛出現之所故名湧金舊名豐豫宋時有豐樂樓與門相值若屏障然堪輿家以此地當山水之衝故不築月城

柳洲隄 宋時湧金門外沿湖植柳名柳洲歲久

洲圯乾隆戊寅巡撫楊廷璋重濬西湖勅建長隄自湧金門直達南山路徧植桃柳與蘇隄競勝

柳洲二賢祠

在柳洲上瀕湖舊有子貢使越祠

康熙二十六年巡撫金鉉督學周清源以仲子舊祠之在弼教坊者移此合祠遂改今名雍正九年

重修

聽水亭 在湧金門外柳洲之西瀕湖錢塘縣志
宋時有上船亭圯明萬歷間建亭曰聽水今爲關
帝廟舟人猶稱聽水亭

孫忠烈祠 在湧金門外南錢塘縣志祀明孫忠
烈燧燧死宸濠之難嘉靖間建祠於此

兩峯書院 在湧金門外南西湖遊覽志明刑部
尚書洪鐘別墅鐘字宣之錢塘人歷官四川按察
使發奸摘伏聽決如流庭無宿訟蜀民有洪不支

鍋之謠巡撫順天增築邊堡自山海關抵居庸延
袤千里以刑部尚書兼左都御史平川陝藍鄙之
亂加太子太保致仕築居於此自號兩峯居士
柳浪聞鶯亭 在湧金門南舊有柳浪橋康熙三十八
年

聖祖仁皇帝御書柳浪聞鶯爲西湖十景之一遂於橋北
建亭恭懸扁額並構

御碑亭於左乾隆十六年春

聖駕南巡

御製柳浪聞鶯詩見恭紀名勝

臣沈德潛恭和 元韻

蕩漾輕黃萬縷金金衣弄響晚烟深春風卷入空
明去宛似青蓮聽上林

錢王祠 在湧金門南舊名表忠觀萬歷杭州府

志祀吳越王錢鏐及鏐子文穆王元瓘瓘子忠獻

王佐忠遜王琮忠懿王俶宋時觀在龍山熙寧十

年知杭州趙抃請於朝建名表忠蘇軾作碑記蘇軾

碑記見嘉靖三十九年總督都御史胡宗憲巡撫

都御史周斯盛以靈芝寺改建寺蓋王故苑也錢

塘縣志進石坊為橋又進為門有東坡書表忠觀

石刻存焉正字奉五王像有明新建伯王守仁順

天者存扁額後為慶系堂明末漸圯崇禎中重加

修葺歲仍春秋額支官師致祭

國朝康熙四十四年

聖祖仁皇帝南巡

御題扁額曰

保障江山奉懸正中恭摹勒石建亭其左雍正五年

勅封誠應武肅王冬十月浙江總督李衛重修前更立石坊曰功德坊乾隆十六年三月

皇上駐蹕西湖初四日

欽命大臣致祭隨

命錢氏二十五代裔孫刑部左侍郎

臣

錢陳羣陪祭初

六日

聖駕臨幸

御題扁額曰

忠順遺庥

賜懸祠內

御製表忠觀詩

三世五王爵同堂秩有倫聖湖依故里白水識真人
孫子儀型永春秋俎豆新蘇碑餘腕力亦敵弩千鈞

臣 錢陳羣恭和 元韻

巡典旌忠烈

恩光邁等倫由來懷舊德沾溉及先人強弩風雲護荒
祠雨露新湖山英魄在同日受

鴻鈞

岳飛墓林逋放鶴亭
上皆親臨觀覽

乾隆二十七年三月

賜題祠柱一聯云

納土當年資保世

示塘奕禩慶安瀾

內有鐵券為錢氏子孫世守今已輾轉流失觀中
碑記猶存遂蒙

賜覽

御製戲題錢氏鐵券三首

長腰十斛換漁人什襲傳貽永世珍歷數從來曾賜

券問誰終獲保其身

伊呂功勳豈不巍未聞賜券貸其非設逢烏喙終何

益少伯真能早識幾

納土歸誠本在茲子孫世守亦其宜獨憐片鐵唐時

物秘寶其將安用之

靈芝崇福律寺 在湧金門外今為錢王祠咸淳

臨安志太平興國元年建本吳越王故苑芝生其

間捨以為寺遂號靈芝大中祥符初改今額元符

初律師元照重修建炎初燬紹興間析其址為顯

應觀乾道間次第興創紹興元年面湖建堂扁曰依光張即之書又有浮碧軒夜講亭日觀堂皆廢

西湖遊覽志元末燬明永樂初僧竺源重建

杏花園 在湧金門外南見宋稗類鈔內有雲會

堂為宋進士期集之所如唐曲江杏園故事今園

已廢而杏花獨盛蘇隄桃李中亦雜植杏樹花時

與桃李並放南北兩山亦有之居民採杏子取其

仁為酪以佐春茗荆楚歲時記所謂寒食擣杏仁

煮粥是也乾隆十六年春

駕幸西湖

御製杏酪詩

佳實出精春仙漿泛玉溶清明傳節物南國作時供

不雜薑鹽和還嗤醴齊濃最欣湖上坐甌影北高峯

朱子寓居 在靈芝寺四朝聞見錄慶元元年韓

侂胄欲逐趙汝愚遂禁偽學朱熹去國寓靈芝寺

平川李杞叩請得窮理之學有紫陽授受行於世

顯應觀 在靈芝寺側今廢西湖遊覽志祀磁州

崔府君子玉唐貞觀間為滏陽令有異政民為立

祠既卒爲神於其土靖康間高宗避寇走鉅鹿馬斃夜雨獨行路歧莫知所往忽有白馬乘之遂至祠下見土馬汗出如雨假寐夢神促之行導至斜橋谷會耿南仲來迎及即位復夢神以白羊饋之曰得孝子實兆孝宗由是累朝崇奉咸淳間改額昭應後歸靈芝寺有蕭照山水蘇漢臣畫壁

宋聚景園 在清波門北久廢西湖遊覽志宋孝宗所築奉上皇遊幸中有會芳殿瀛春覽遠芳華等堂瑤津翠光瓊芳寒碧等亭柳浪學士等橋理

宗以後日漸荒落今惟柳浪學士橋存焉

清波門 瀕湖西湖遊覽志宋時稱暗門又南有錢湖門今塞

流福水橋 在清波門外西湖遊覽志咸淳四年建引湖水入城經府前

學士港 一名夾字港在清波門外杭州府志相傳宋時有學士家此故名港屈曲深隱低蓬沿洄方出湖口古木鱗皴最爲幽勝上有學士橋

茶坊嶺 在清波門外西湖遊覽志宋時有茶坊

在焉

仙姥墩 在茶坊嶺西湖遊覽志列仙傳云姥餘杭人嫁於西湖農家善採百花釀酒王方平過蔡經家嘗以千錢與姥沽酒飲而甘之是後羣仙時降因授藥以償酒價服之仙去後十餘年有人經洞庭湖邊見姥尚賣百花酒相傳所居基高數十丈今夷爲坦途矣

周元公祠 在清波門外錢家灣祀宋濂溪周子惇頤南渡時建久廢

國朝康熙五十一年督學姜楠檄令重修歲以春秋致祭巡撫張泰交題額運使高熊徵有碑記雍正九年總督李衛重建

長橋 在淨慈寺東西湖遊覽志橋短而以長名者先時水口甚闊橋分三門有亭臨之壯麗特甚其後浸淫填塞兩旁皆爲民居其南有澄水閘有南閘謂之三渠今亦湮廢

飛仙里 列仙傳濟南李萋宋乾道中寓臨安嘗詣淨慈過長橋恍惚迷路見青衣道人分燒筍食

之絕異常味俄風雨晦冥失道人所在覺身輕舉
冉冉若乘雲後人因名其所居之里曰飛仙

普度親菴 在南屏山東錢塘縣志明戶部侍郎

葛寅亮為母報恩捨宅建寺因名萬歷四十八年

建即古永蔭寺舊址寅亮自為記今燬基址猶存

南屏山 在西湖正南成化杭州府志峰巒聳秀

山石瓌瓏若神工削成中穿一洞上有石壁如屏

障故稱南屏

慧日峯 成化杭州府志南屏山有峯曰慧日淨

慈寺之主山也西湖遊覽志南屏之山凌空而中

峙者為慧日峯今以寺後卷石刻慧日峯者誤

淨慈寺 在南屏山慧日峯下淨慈寺志周顯德

元年建號慧日永明院宋太宗賜壽寧禪院額釋

氏稽古略紹興九年改賜報恩光孝禪寺咸淳臨

安志紹興十九年改淨慈額後燬孝宗賜金成之

建慧日閣嘉泰四年又燬嘉定十三年復建閱勝

甲於湖山紹定四年僧法薰於佛殿前鑿雙井淳

祐十年建千佛閣理宗書華嚴法界正徧知閣八

字西湖遊覽志錢王俶初建院迎衢州道潛禪師
 居之潛嘗從王求金鑄十八阿羅漢王許之始作
 羅漢堂宋建隆初禪師延壽以佛祖大意經論正
 宗作宗鏡錄一百卷遂作宗鏡堂熙寧中郡守陳
 襄延禪師宗本居之屬歲旱湖水盡涸忽寺西隅
 甘泉出有金色鰻魚遊焉因鑿為井名圓照井南
 渡時燬而復興僧道容實鳩工焉五歲始成塑五
 百阿羅漢作田字殿貯之大抵規模與靈隱埒故
 二寺為南北兩山之最東坡詩云臥聞禪老入南

山淨掃松風五百間其闕壯在南渡前已然矣元

季諸寺皆燬惟此寺獨存明洪武間燬僧法淨建

正統間復燬僧宗妙復建內有永明室圓照樓叢

玉軒一湖軒並廢有鐵鍋重數千觔欵云梁貞明

二年鑄蘇軾遊淨慈謁本長老和周長官詩臥聞

宜獨往君緣詩好不容攀自知樂事年年減難得

高人日日閒欲問雲公覓心地要知何處是無還

又復遊西湖用歐陽察判韻我識南屏金鯽魚重
 來村檻散齋餘還從舊社得心印自省前生覓手
 書葑合平湖久蕪蔓人經豐歲尚凋疎
 誰憐寂寞高常侍老去狂歌憶孟諸

國朝康熙三十八年

聖祖仁皇帝南巡幸寺

御製由淨慈寺經南屏諸山詩

紆曲南屏路欣隨步輦來

時奉太后觀覽

皇鳥飛驚玉仗花

落點經臺邃閣聞松籟踈籬迸竹胎雙峯高不極更在

白雲隈

御書淨慈額並

書西峰二字又

御題一聯云

雲間樹色千花滿

竹裏泉聲百道飛

賜御書金剛經一卷四十六年

聖駕再幸奉

旨重修四十九年工竣

御製重修淨慈寺碑文

蓋聞寶界三千咸歸淨業珍臺百萬同證慈航施布地

之銀衣國名舍衛供彌天之珠樹園號祇洹自靈鷲西

來至玉函南渡層軒飛閣起鹿苑於湖山芝蓋花幡記

伽藍於崖谷皆為選佛之場實是棲真之室杭州淨慈

寺者周顯德中締構也宿尊入夢殿闢永明白足藏書
堂開宗鏡擔經錫杖卓石上之奔泉皈法金魚伏亭前
之寒井南屏山色螺翠千盤北岸波光琉璃百頃高柯
映戶特來獻果之猿修竹參霄常見啣花之鳥數經營
於越角已歷多年論景致於湖江信稱勝地乃者僧人
不戒難返風輪遂爾像教延災適遭火劫禪基未續道
跡將湮朕周覽餘杭巡行南國惜茲善果建此福因命
集工徒重葺院宇蘭楣桂棟出炎網而煥金繩藻稅雕
題化崑岡而爲玉闕巍峩琳殿偕蓮座以俱新璀璨瑤

幢對雷峯而並立飄孤山之香雪居然花散維摩舞方
丈之長松依舊風清羅漢龍天護法鬱東嶺之煙霞獅
象宣音應西興之鐘鼓蛟藏江浦再聽梵音鴿下晴空
還看瓶刹智燈迴照顯色相於已傾慧日高懸鎮檀林
而永固俾下域顧瞻淨土時懷常淨之心願羣生感化
慈緣悉發大慈之隱用摛紫翰述壯麗之規模爰勒青
珉標建修之歲月康熙四十九年十一月穀旦

雍正八年重修乾隆九年奉

勅重建規制崇闋大倍於昔乾隆十六年三月浙江在

籍諸臣陳世倌等恭祝

皇太后六旬萬壽就寺啓建

萬壽經壇初三日

聖駕臨幸

御題佛殿扁額曰

正法眼藏

御書聯句云

慧日高擎猊座自安圓覺相

慈雲近接藥幢時轉妙明機

御製淨慈寺詩

沿緣蘇氏隄霽景斷煙低遂造白禪所閒尋碧篆題

堂圍曲屏障地是古招提翠竹籠僧戶芳蘭引客蹊

巖扉如有約井木或無稽相傳建寺時木取之策馬

因還去鐘聲隔嶺西

臣 錢陳羣恭和 元韻

湖南近接隄高柳寺門低未聽碧雲語先看金字

題中峯依慧日芳樹即菩提井甃傳靈迹堂陰闕

舊蹊晚鐘僧自定斷塔代堪稽攬勝留

香輦林暉在殿西

萬工池 在淨慈寺前杭州府志宋建炎以前寺

累遭火熙寧間有善青鳥之術者云須鑿井以禳

之寺僧宗本乃募鑿池與力者萬人故名

慶芳橋 在淨慈寺前通萬工池雍正五年建

南屏晚鐘亭 在南屏山淨慈寺前舊稱南屏晚鐘為

西湖十景之一康熙三十八年奉

聖祖仁皇帝御題扁額建亭於山門前正中臨萬工池乾

隆十六年春

聖駕南巡

御製南屏晚鐘詩見恭紀名勝

臣沈德潛恭和 元韻

帶却殘陽度翠屏穿林時送晚鐘聲行人底事匆

匆去怕聽蝦蟆報短更杭人無夜遊西湖者故有背馱紅日進錢塘之謠

雷峯 在淨慈寺前咸淳臨安志舊名中峯郡人

雷就居之故名雷峯西湖遊覽志南屏山之支脉

也穹窿迴映亦曰回峯林逋中峯詩中峯一徑分盤折上幽雲夕照前村見

秋濤隔岸聞長松標古翠衰藥動微薰自愛蘇門嘯懷賢事不羣又中峯望北山詩拂石翫林壑曠

然空色秋歸雲帶層巘踈葦際滄洲固自堪
長往何為難久留庶將濠上想聊作剡中遊
臣謹按六書正譌雷古作回小篆加雨以別之又
作雷以雷為聲省作雷南屏之回峯本以山勢回
抱得名宋徐炳隱此世稱回峯先生可証咸淳臨
安志以雷姓者當之前人已言其失因雷回二字
本通後人特以戶恢
切轉為魯為切耳

雷峯塔 在南屏山前咸淳臨安志開寶中吳越

王妃錢氏建名王妃塔後有雷峯菴治平二年賜

額顯嚴院宣和間燬惟塔存焉西湖遊覽志舊建

七級後為雷火所焚止存五級

徐炳宅 武林紀事炳字立之宋熙寧間舉進士

不第築室回峯人稱回峯先生回峯即雷峯也都

官員外郎蘇為甚敬禮之為立傳

淨相院 吳越王建有無盡意閣一段奇軒久廢

雷峯西照亭 在雷峯頂峯上有堦舊稱雷峯夕照

聖祖仁皇帝御題十景改雷峯西照建亭其處乾隆十六

年春

聖駕南巡

御製雷峯西照詩 見恭紀名勝

臣沈德潛恭和 元韻

地近清波能遠俗峯因雷火轉留名斜陽一抹鳥
飛下遙見城南塔影橫

水心保寧寺 在南屏山前湖中今名放生池咸

淳臨安志水心保寧寺晉天福中建舊名水心寺

大中祥符初賜今額舊有思白堂白樂天舊遊處

元豐三年樞密使林希榜曰思白示懷賢之意人

多放生於此郡守沈文通建亭名曰好生內有陸

蓮菴錢忠懿王時紹巖禪師誦蓮華經於水心寺

中有蓮花七本生於庭陸鏡塘縣志隆興間於寺

內重建德生堂

秦觀送僧歸保寧寺詩西湖環岸皆招提樓閣晦明如臥於保寧復

在最佳處水光四合無端倪車塵不來馬足斷時

有海月相因依上人弱齡已隸此心目所証惟瑰

奇白玉芙蓉出清沼天然不受紅塵擾坐客一語

不入意目如明星視飛鳥冠切雲兮佩三難上人

顧之真等閒應緣偶入人間世興盡却歸湖上山

繫余久欲窺禹穴矧今仲父官東越行挽秋風入

剡溪為君先醉西湖月

三潭印月亭 在放生池前湖中舊有三塔相傳下有

三潭深不可測故建塔以鎮之後並湮廢

國朝康熙三十八年於放生池南重建三塔臨湖建

亭奉懸

聖祖仁皇帝御書扁額復於橋北構亭恭摹勒石乾隆十

六年春

聖駕南巡

御製三潭印月詩見恭紀名勝

臣沈德潛恭和 元韻

照入千潭月一輪三潭了澈淨名身水中天上俱
無著底用還留未了因

寓林 在雷峯塔下錢塘縣志明黃汝亨讀書處

即甘園小蓬萊遺址石上有宋刻青雲巖鼇峯等

字汝亨題其石為奔雲

藕花居 在淨慈寺西雷峯塔後錢塘縣志明洪

武間僧廣衍建為南屏八景之一王守仁藕花居詩掩映紅粧莫

漫猜隔林知是藕花開共君醉臥不須扇自有香風拂面來

勝景園 在雷峯路口即韓平原之南園也久廢

御題漪園 在雷峯塔西瀕湖宋時名湖曲園有亭曰

小蓬萊見周密詩後改為慈雲菴乾隆丁丑春

聖駕臨幸賜題漪園

御製漪園詩恭紀卷一

法華臺 在慧日峯下淨慈寺志即香嚴社相傳
 永明禪師於此誦法華經萬三千部感四天雨華
 繽紛巖壑又名雨花臺萬歷甲午建黃汝亨為記
 由萬峯房西開徑而入

蓮花洞 在淨慈寺後西湖遊覽志洞無頂直似
 屏風曲折導入為永明講蓮花經處

石佛洞 在蓮花洞右錢塘縣志兩石相夾如龕
 內鑄石佛三明總督胡宗憲刻寰中天室四字

歡喜巖 在慧日峯下西湖遊覽志兩石離立相

對望若老翁邂逅狀其一巨首如戴笠領下鏤小
 佛像三眉睫剝落巖上題名漈滅不可辨

翠芳園 西湖遊覽志在淨慈寺側舊名屏山園
 宋理宗改曰翠芳內有五花亭蘭楓梅槎咸淳間

移取亭館花石於宗陽宮
 南屏山居 萬歷錢塘縣志在高士塢正德間高

士孫一元字太初卜居於此孫一元南屏山居詩

石上藤蘿對夕曛解衣長日坐來頻挽回滄海真無計領略青山合有人養鶴似添雙口累為漁又過一生身相逢惟是南屏老獨樹柴門許結隣又道人占斷南屏景十里青山帶郭斜對水柴門通鶴渚隔隣煙火是漁

家巖頭老檜占風雨石上菖蒲閱歲華
粧點太平還著我樓鞋桐帽送生涯

小南屏山 西湖遊覽志在廣教院後怪石璽瓏

亦類屏障

南屏興教寺 在南屏山元末圯西湖遊覽志舊

名善慶吳越王建太平興國中改今額內有齊雲

亭清曠樓並廢

御題小有天園 在淨慈寺西慧日峯下舊名壑菴為

郡人汪之萼別業遊人稱為賽西湖之萼之孫守

澁重葺為園其上有幽居洞及丹崖琴臺諸勝復

於山半構南山亭為憑眺之所乾隆十六年春
聖駕巡幸

御題扁額曰

小有天園

御製小有天園詩 見恭紀名勝

御題山半之亭曰

勝閣

臣錢陳羣恭和 元韻

始信壺中別有天芳園一曲傍湖邊玉梅倚石如

高士斑鹿穿林見古仙深護翠屏宜貯月細鋪瑤
草亦耕煙南山最好供留賞

睿想清瑩不落詮

幽居洞

西湖遊覽志俗稱仙人洞中有石牀可

容坐臥左有石門偃樓而上直登琴臺

摩厓石刻 在南山亭之上西湖遊覽志石壁上

大字刻周易家人卦及中庸道不遠人章樂記禮
樂不可斯須去身一段相傳為唐人八分後人補

刻司馬溫公書

臣謹按葉紹翁四朝聞見錄吳自牧夢梁錄似載
南山摩厓石刻並云司馬溫公書獨周密武林舊
事云是唐人手筆西湖遊覽志因之考宋鑑紹興
六年十一月庚辰上諭大臣曰司馬光隸書大似
漢人朕日夕置座右所書乃中庸及家人卦皆修
身治國之道不特玩其字而已據此與摩厓所刻
同當是諸大臣請刻於石者故宋王洙詩有涑水
摩厓半綠苔春遊誰向此中來之句非後人補刻
矣明

丹崖 在幽居洞左崖高尋丈石皆赤色青松蔽

之崖石上鐫云南山之隈白石崔嵬上有丹崖下

有琴臺即其處也

琴臺 在慧日峯西石壁聳秀摩厓刻米芾大書

琴臺二字乾隆十六年春

御製寄題琴臺詩

慧日峯西秀石堆傳聞海岳舊琴臺忽忽未暇躋層巘分付雲林待再來

自南屏西九曜山折而南過石屋嶺又經煙霞嶺至南高峯達九溪十八澗為南山南路

九曜山 在南屏之西西湖遊覽志與赤山聯屬上有九曜星君殿下有發祥祠

錢糧司嶺 在九曜山下西湖遊覽志吳越時建

司於此以徵山課

錢王古井 咸淳臨安志九曜山法因寺有錢王古井

石屋嶺 咸淳臨安志九曜山折而南為石屋嶺青龍山 在石屋嶺側

石屋洞 在石屋嶺下洞底有泉名勝志高敞虛明衍迤二丈六尺狀如軒榭可布几筵其底邃窄通幽石壁舊有題字傳是東坡書刻蝕不可辨

國朝乾隆十六年春

御製石屋洞詩

嵌巖外狹中虛何代地仙此居苔封紫石牀上應有
人不識書

大仁禪寺 在南山石屋洞俗名石屋寺咸淳臨

安志廣運中吳越王建舊為石屋寺宣和三年改

今額有洞鑄羅漢諸佛像山頂有石菴天成團圓

如鑿高丈餘一名天然菴咸淳二年創建觀音諸

天寶閣徐集孫石屋寺詩路僻鳥關關行吟逐字
刪偶來遊石屋却喜見香山閣峭寒雲護

巖深野水閒坡仙留
墨在姓氏有無間

煙霞嶺 在石屋洞南

煙霞洞 咸淳臨安志晉開運元年有僧彌洪結

菴洞口遇神人指山後有聖跡何不顯之洪尋至

山後見洞內有石刻羅漢六尊吳越王錢氏夢僧

告云吾有兄弟十八人今方有六王可聚之夢覺

訪知煙霞洞有六羅漢遂別刻十二以符所夢成

化杭州府志洞中作丹元五采之色洞後宋有清

修寺今廢惟象鼻石佛手巖石羅漢及東坡留題

尚存蔡襄遊煙霞洞詩新晴特地入煙霞道並南
山徑轉餘幽磬過鄰溪口寺衆雞鳴午野人

家洞深垂溜先成雨石古籠藤亂放花
潘岳小園猶作賦輕軒選勝樂無涯

國朝乾隆十一年五月初四日

聖駕巡幸南山路經煙霞

駐蹕觀覽

回鑾舟中

補題西湖畫冊

御製煙霞洞詩

高峯隆崇俯錢塘往往舊蹟稱錢王布衣奮起保一方
識時知命歸真皇林衣錦繡誇故鄉三世五王名

姓揚兩浙士女安農桑嬉遊鼓吹答韶光當時遺愛
云不忘豪爭計奪事已往叶懺悔佛力資慈航紛建
梵宇金碧煌至今石屋煙霞蒼苔封碑字半存亡應
真補塑獅龍降夢僧告語殊荒唐慈氏便真能降祥
福善禍淫理有常諛求寧媚可慨慷無心隨喜乃不
妨或與隣壑增佳賞叶披圖作歌懷古長不殊勝處
親徜徉

佛手巖 在煙霞洞上錢塘縣志奇石瓌瓏勢若
倒垂有石筍五枝若指壁上蘇軾題名刻石尚存

水樂洞 在煙霞嶺下咸淳臨安志舊為錢氏西
 關淨化院四望林巒聳秀巖石蟠峙有洞虛窈淳
 涵如淵泉味清甘與龍井埒洞中有水聲如金石
 熙寧二年守鄭獬名之曰水樂洞西湖遊覽志嘉
 泰以來洞為楊郡王別墅蕪穢弗治水樂絕響賈
 似道得之深求水樂所以廢興者不得其說一日
 俯睨旁聽悠然有契曰谷虛而後能應水激而後
 有聲今水瀦其中土壅於外欲其振響得乎亟命
 疏壅導瀦有聲從洞間出節奏自然勝概始復遂

構亭以東坡水樂洞詩刻置其上

蘇軾水樂洞詩君不學白公引

涇東注渭五斗黃泥一鐘水又不學哥舒橫行西
 海頭歸來羯鼓打梁州但向空山石壁下愛此有
 聲無用之清流流泉無絃石無竅強名水樂人人
 笑慣見山僧已厭聽多情海月空留照洞庭不復
 來軒轅至今魚龍舞鈞天聞道磬襄東入海遺聲
 恐在海山間鏗然澗谷含宮徵節奏未成君獨喜
 不須寫入薰風絃縱有此聲無此
 耳自注為東陽令王都官概作

國朝乾隆十六年三月

聖駕巡幸

御製水樂洞和蘇東坡韻詩

君不見三郎未辨涇與渭却厭絲桐淡於水又不見

興公作賦強出頭目空一切低九州持示榮期高位
 置擲地金石聲應流都官別開闢思竅創名水樂俗
 人笑俗人笑博雅人喜致使東坡契清照錢塘春月
 駐巡轅煙霞嶺下鳴鈞天更道東陽亦有此相去不
 過兩郡間偶聞謂是招在徵即景成吟亦堪喜歸來
 跋馬蘇公隄至今想像知音耳

臣謹按王十朋輯注蘇詩此題下有賦自注云為
 東陽令王都官概作玩起句若不學云云其為屬
 王都官無疑咸淳臨安志力辨其當屬錢塘并言
 其地為東陽村查此村並無東陽之名故舊志
 其誤今考志林軾自題靈隱天竺詩云錢塘東南
 皆有水樂洞泉流空巖中皆自然宮商乃莊生所

謂天籟者據此則南山水
 樂洞即其所自稱者歟

南高峯 在南北諸山之界錢塘縣志與北高峯

對峙高一千六百丈攬長江若帶俯平湖如杯山

椒有巨石名先照增日月始升得景獨先又名鎮

魔石上有塔晉天福中建今下級尚存側有瑞應

像不假雕鑿巧若神工塔下有小龍井

劉公泉 在南高峯下西湖遊覽志泉出石竇間

清澈見底宋常平劉常贊為池篆刻三字於泉上

翁家山 在南高峯南錢塘縣志羣山包絡石磴

參差竹木掩映地宜桂秋時如入衆香國焉

天池洞 在南高峯南萬歷杭州府志山半石筍

躍起架虛壁立其上有池旱潦不盈涸池下即洞

深邃莫測

千人洞 在天池洞右杭州府志洞口僅六尺許

漸入漸廣可容千人

葛洪井 在翁家山

滿覺壠 在翁家山曲塢內

九溪 萬歷杭州府志在煙霞嶺西路通徐邨水

出大江北達龍井

十八澗 明一統志在龍井之西路通六和塔水

出錢塘江

理安寺 在南山十八澗錢塘縣志即古涌泉院

舊名法雨寺五代時有伏虎逢禪師棲息於此吳

越王建宋理宗時改為理安明弘治四年洪水發

寺圯萬歷甲子佛石禪師重建佛石即法雨有松

巔閣且住閣符夢閣

國朝康熙五十三年

聖祖仁皇帝發帑重建置寺內山千畝齋田二百餘畝
命僧性音住持

御書理安寺扁額奉懸山門又

御書石磬正音四字崇奉佛殿正中又

御題對聯二副

法雨晴飛繞殿香雲至

天花晝下交空瑞日懸又

勢到岳邊千峯環秀色

聲歸海上萬水拱洪濤奉懸殿柱復奉

賜佛像巨鐘及雜寶供器皆

內府製造雍正五年十一月

世宗憲皇帝命僧實惠來主方丈內有

御書慈悲自在扁額奉懸藏經樓又

御賜曹溪人瑞四字崇奉法堂又

御製對聯云

成佛念輕縱然自在還為妄

度生心切須信慈悲也是貪又

杖履得回遊子脚

葛藤灰盡老婆心俱奉懸方丈乾隆十六年三月初四

日

聖駕巡幸

御題佛殿正中之額曰

樹最勝幢

御製遊理安寺詩

路盡九溪十八澗境奇三竺兩高峯香臺聽講來馴
鴿靜室安禪制毒龍法雨淙常空色相巖花放不論
春冬歸鞭却恐留清戀倩取白雲一片封

松巔閣

錢塘縣志在理安寺方丈後萬歷二十

三年佛石禪師建

王穉登題松巔閣詩古寺榛蕪已百年師今結屋與安禪林如

支遁堪棲鶴社似廬山喜種蓮巖畔採薪常易米石邊接竹更分泉詩成猶帶煙霞色不數清江與

然較

法雨泉 在理安寺內西湖遊覽志泉從巖下滴

瀝如雨下為清池可鑑毛髮

支此... 泉... 帶... 寶... 不... 樓... 山... 與...
 三平... 碑... 今... 與... 碑... 林...
 休... 湖... 途... 聖... 寺... 文... 對... 萬... 聖... 二十

西湖志纂卷之五

南山勝蹟二

自南屏山西赤山埠經大慈山達進龍浦至六

和塔由徐邨梵村至五雲山為南山西路

赤山 在玉岑山左名勝志其土赤埴故名錢塘

縣志北連麥嶺東接湖濱下為赤山埠

玉岑山 在石屋嶺左西湖遊覽志相傳其山產

玉故秀潤異常孤峯峻拔層巒繚繞厓上鑄玉岑

二字宋許采書

浴鵠灣 在赤山埠錢塘縣志水流灣曲近定香橋元人張羽構水軒於此劉邦彥詩春水初生浴鵠灣是也

定香橋 在蘇隄第一橋之西近赤山埠其水即浴鵠灣

惠因澗 在赤山惠因寺側西湖遊覽志宋秦觀游龍井濯足於此題名有記

鐵窓櫺洞 在惠因澗咸淳臨安志洞口高數尺舊有蛟龍出入人畏焉因鑄鐵爲窓櫺嵌於石槽

以拒之水自窓櫺出六月如冰過惠因寺前入西湖大旱不竭

御題法雲寺 在赤山舊名慧因寺後唐天成二年吳

越王建稱慧因禪院晉水法師名靜源者疏釋經義流傳殊域高麗國王子僧統義天航海來朝乞爲師門弟子遣尚書郎楊傑伴行抵師所遂改爲教院及義天還國以青紙金書晉譯華嚴經三百部并經閣之貲附貢舶以進俗呼爲高麗寺迨晉水示寂高麗以祭奠爲名貢金塔二座時蘇軾

守杭疏請却之寧宗書華嚴經閣歲久漸圯

國朝乾隆二十二年重建

聖駕臨幸賜題法雲寺額

大慈山 在九曜山之西杭州府志山色蒼蔚中

峯隆起旁舒兩翼虎跑泉在其上

虎跑泉 在大慈山上泉清潔而甘寒與龍井玉

泉相埒宋濂虎跑泉銘序唐元和十四年性空大

師來遊茲山樂其靈氣盤鬱棲禪其中尋以無水

將他之忽神人告曰自師之來我等邀惠甚大奈

何棄去南岳童子旋當遣二虎來移無憂也翌日

果見二虎跑山出泉甘冽異常蘇軾虎跑泉詩亭

老初來百神仰虎移泉眼趁行脚龍作浪花供撫

掌至今遊人濯濯罷臥聽空階環映響故知此老

如此泉莫作人間去來想范成大獨遊虎跑泉小

菴詩苔徑灣環入茅齋取次成蔓花綠壁起閒草

上階生宿雨松篁色新晴燕雀

聲筒泉煮御米聊共老僧傾

國朝康熙二十八年春

聖祖仁皇帝南巡

御製虎跑泉詩并序

西湖自昔畫舫笙歌之地朕茲行志本省方止一覽

其山川風土未嘗片刻停驂尚食但飲虎跑泉水一
勺耳

松林帶餘雪空山啼百舌石溜響涓涓寒泉自清潔
三十八年春

聖祖再幸西湖復至虎跑又

御製七言詩一首

靈泉湧地寒侵骨勝地名高著虎跑似恐被人頻汲取
一泓清迥出山坳

恭摹勒石於泉上乾隆十六年三月初五日

聖駕臨幸

御製虎跑泉詩

溯澗尋源忽得泉淡如君子潔如仙餘杭第一傳佳
品便拾松枝烹雨前
象教開茲泉眼開共傳跑得藉牛哀感通亦自尋常
耳記得前身曾伏來

大慈定慧禪寺 在大慈山俗呼虎跑寺〔西湖遊

覽志〕唐元和間寰中禪師建憲宗賜額曰大慈院
塔曰定慧大中八年改大慈禪寺僖宗乾符間加

定慧二字又稱祖塔院宋末燬元大德間重建又

燬明正德十四年寶峯禪師重建嘉靖十九年又

燬二十四年山西僧永果重建

蘇軾重遊祖塔院詩紫李黃瓜村路

香鳥紗白葛道衣涼閉門野寺松陰轉欹枕風軒客夢長因病得閒殊不惡安心是藥更無方道人

不惜階前水借與匏尊自在嘗

國朝康熙二十八年三十八年

聖祖仁皇帝南巡兩

幸寺中雍正九年重修

屏風山 在大慈山之左虎跑寺志橫列巽方形

似屏障翠靄滉人山石巉削陡峻

貴人峯 在大慈寺後虎跑寺志羣山拱列其下

為一郡之主星地靈人傑因名貴人

白鶴峯 與貴人峯相並以形似得名

樵歌嶺 一名五字嶺在大慈山塢傍有戒定巖

襲慶禪寺 在大慈山西南西湖遊覽志俗名真

珠寺舊名薦福院晉開運間建宋大中祥符六年

改崇壽院開慶元年改今額

真珠泉 在襲慶寺內西湖遊覽志周顯德間泉

自地迸出寺僧因斲為方池聞剝啄聲則泉益湧
纍纍如貫珠宋景祐中取以釀酒遂為酒名

月輪山 在龍山西南瀕江形圓如月故名

開化寺 在月輪峯咸淳臨安志開寶三年吳越

王就南果園建寺造六和塔宣和間燬於兵紹興

二十二年北僧智曇募緣重建十載始成隆興二

年賜額慈恩開化教寺內有秀江亭金魚池萬歷

杭州府志元末燬重建明嘉靖十二年寺與塔俱

燬萬歷間僧祿宏重修

國朝雍正十三年奉

勅鼎建乾隆十六年三月初五日

聖駕巡幸

御製開化寺詩

高嶺度南屏澗谷遵曲折出峽倏開豁川雲景復別

蘭若枕石磯葱蒨扶岵巒佛宇既莊嚴精廬亦清潔

結習未能忘隨喜試禪悅憑軒俯江濤似演廣長舌

御題寺額曰

淨宇江天

御書聯句云

潮聲自演大乘法

塔影常懸無住身

三月十二日

聖駕又幸

御製開化寺再作

春事日以佳春遊興無斁蘇隄桃柳芳所玩近几席
度嶺尋梵宮略取幽趣適宮塔鎮吳江隔岸越山碧
顧步挹清芬騁懷寄寥寂境亦安能窮樂亦胡可極

明當整歸轡留詩勒蒼壁

六和塔 在開化寺內咸淳臨安志即舊寧壽觀

址開寶三年智覺禪師延壽始於錢氏南果園開
山建塔以鎮江湖塔九級高五十餘丈內藏舍利
或時光明煥發大江中舟人瞻見之後祀紹興二
十六年僧智曇因故基成之七層而止武林梵志
明嘉靖三年燬萬歷間祿宏重修

國朝雍正十三年奉

勅鼎建乾隆十六年

聖駕巡幸

御製登開化寺六和塔記

杭州月輪峯六和塔宋開寶中創建以鎮江湖開化寺其塔院也自宋以來屢燬屢復燬則有驚浪之虞復則有安瀾之慶是以雍正十三年我

皇考世宗憲皇帝特發帑金命有司鳩工庀材是輪是奩越二年而告成又十有四年而朕以南巡之便親陟其頂且為之記焉蓋浙之潮人所共知為雄鉅浙之塘人所共知為要害然非目擊終為耳食且沿江以

來亦不辨其曲折之形也造塔顛而後審其所以稱浙江者溯流東睇又悉其疊龕楮逕溟渤頓挫滯蓄迭蕩掀激斯所以為廣陵之潮者我

皇考居九重之穆清運萬寓於几席留意海塘福彼蒼赤葺斯穹塔資厥佑相予小子景仰

前烈深惟愛民之心既誠故為民之慮無所不至而必中其祭夫必待身患而後圖之斯不已遲乎是

皇考之聖神而予小子瞠乎其後者也故勒貞珉以識之乾隆十有六年歲在辛未春三月之吉御製并書

復於塔上

欽賜

御書扁額第一層曰

初地堅固

第二層曰

二諦俱融

第三層曰

三明淨域

第四層曰

四天寶網

第五層曰

五雲扶蓋

第六層曰

六鼈負戴

第七層曰

七寶莊嚴

御製登六和塔作歌

我遊西湖率三日樂矣慮非凜無逸會稽南望舉精

西清志 卷五
禪宣命明當發清蹕穹塔鎮江久所聞到此不登孤
良因振衣拾級陟其頂耳飶天籟衣濕雲海眼龍宮
寂寥鎖江邊雁堵香花妥之字長流寫向東月峯朝
靄攬於左壯觀至是真空前那更息心安四禪杜甫
添憂我添喜境移所遇理則然

臣 沈德潛恭和 元韻

半空欄檻掛紅日踏雲攀登不暇逸追隨

六御仰層穹豹尾森嚴護

清蹕妙香氤氳上界聞到此恍惚疑前因拍空茫茫接

天水盪胷浩浩屯煙雲江流回折勢一鎖靜鎮瀟

瀾纜貼妥赭龕門戶指在東富陽湍瀨迴於左龍

象周遭

玉座前觀空不礙安深禪明當放舸渡江去認取於越

山蒼然

鐵井欄 在開化寺南明一統志昔有蛟龍自井

出攻損江岸錢氏鑄鐵井欄以鎮之刻八卦於上

以象八方

秦望山

在錢塘縣南十二里咸淳臨安志高一

百六十丈晏元獻輿地志云秦始皇東遊登此山欲度會稽因名有巨石二十餘自然成行名金洞門其東南有大石橫截江濤海舶經此多爲風浪傾覆因名羅刹石每歲仲秋必迎潮設祭樂工鼓舞其上白居易詩云嵌空石面標羅刹壓捺潮頭敵子胥指此後改名鎮江石開平中爲潮沙漲沒徐邨嶺 在定山北鄉

五雲山 在府治西二十里山巔常有五色瑞雲盤繞其上因名西湖遊覽志高數百丈周十五里

五峯森列盤曲而上凡七十二灣俯視南北兩峯若雙髻宋時每歲臘前得雪寺僧必捧表以進至城中霰猶未集蓋其地特高寒云

雲棲塢 在五雲山西一里錢塘縣志塢中有雲棲寺按秣宏寺記云五雲山有五色雲故名已而五雲飛集山塢中因號雲棲塢

雲棲寺 在五雲山西地名梵村咸淳臨安志棲真院乾祐五年吳越王建舊名雲棲寺治平二年改額錢塘縣志明隆慶中禪師秣宏建菴掘地有

碑即古雲棲寺也山半有洗心亭

國朝康熙二十八年

聖祖仁皇帝南巡幸寺

御製雲棲竹樹甚茂幽蘭滿山詩見恭紀名勝

三十八年再幸又

御製雲棲寺詩

江路轉隈隩山行愜心賞古樹與茂竹翳蔽極深廣潺
潺細泉流萋萋芳草長其際春之莫天氣堪俯仰鳥性
鳴晴曦蜂蝶爭下上巡省歷窮谷所至察萬象小憩澗

壑幽澤貴被草莽

四十二年再幸

御製過雲棲憩竹林下令人斲筍斲蘭詩

尋春二月幸雲棲滿目天光入品題密林布蔭漁樵樂
幽栢成行蕙芷齊浴手臨泉開籜筍傍巖倚石選蓬藜
餘杭風景西湖勝未若山中待竹迷

御製雲棲歸途遇雨詩

錢江風雨促前旌竹樹繽紛細草萌夾岸黎元瞻拜切
頻施膏澤愜民情

四十六年再幸寺有大竹一竿

賜名皇竹總督梁鼐建皇竹亭雍正七年重修乾隆十六

年三月初五日

聖駕臨幸

御題佛殿正中之額曰

香門淨土

御書聯句云

山僧獨闢清淨界

竹翠常飛妙鬘雲

御題殿後之亭曰

悅性亭

御題後殿之額曰

修篁深處

御製雲棲詩

見恭紀名勝

又

御製雲棲寺小憩寫幽蘭橫卷即題一絕

本色西來意雲棲靜且安林泉徐待寫先寫數叢蘭

三月十二日再幸

御製重訪雲棲即景雜咏

山寺雖多此寺幽特教清蹕重來遊洗心亭別仙凡
界萬騎紛闐合著留

綠玉參天徑幾迴石門煙月鎖莓苔蓮池塔院自千
古奚事花幢坐墨胎

修篁深處小延俄又覺簷陰幾許過山鳥啁林還太
古野花繪壁自春和

淨土香光慧業薰弄藏法寶玩顏筋是日觀寺中所
藏董其昌書金

剛經蘭亭昨過相衡較真蹟何如王右軍

真蹟
臣 錢陳羣恭和

御製雲棲寺元韻

徑轉蒼筠密林穿玉澗澄陰森四峯抱窈曲一門

登古鉢惟留偈精廬自課僧風猶追白社派亦嗣

南能選勝紆

天蹕憑高指慧燈六時長轉佛心淨即超乘

臣 沈德潛恭和 元韻

竹隨幽徑密泉與素心澄屈折同猿度峻嶒舍杖

登松間負苓叟窓裏放雲僧念佛捐千偈蓮池不
說偈以

念佛為觀空有七能繩林留破衲矮屋照明燈誰

續蓮池法超然最上乘

迴耀峯 在雲棲寺後錢塘縣志高峻插天東岡

為寶刀壠西南為黃泥壠栢子尖蕭家塢雲山窈

窕草樹蒙密最為幽勝

壁觀峯 在雲棲塢東雲棲紀事青龍泉出焉中

峯之旁有泉名聖義西岡之下有泉名金液釋祿宏青

龍泉詩百竿青筧出流泉飛舞東西起復

眠玉乳不知來處遠祇疑香積有龍涎

定山 在縣治西南四十里西湖遊覽志一名獅

子山高七十五丈周七里一百步突出江中風濤

至輒抑過此復雷吼霆擊錢塘縣志西有兩峯壁

立名曰龍門上有龍潭能興雲雨下為定山浦江

濱有浮嶼為魚浦又稱鮎魚口太平御覽謝靈運

詩朝發漁浦南暮出富春郭定山杳雲霧赤亭無

淹泊即此山也沈約早發定山詩風齡愛遠壑晚

間傾壁忽斜豎絕頂復孤圓歸海流漫漫出浦水

濺濺野棠開未落山櫻發欲然孟浩然早發漁

寄芳荃眷言采三秀徘徊望九仙孟浩然早發漁

浦潭詩晨旭早蒼茫渚禽已驚駭孟浩然早發漁

聲暗相撥日出氣象分始知江路闊美人常晏起

照影弄流沫飲水畏驚猿祭魚時下懶舟行自無

晴景豁

風水洞 在楊村慈嚴菴側西湖遊覽志舊名恩

德洞上洞立夏清風自生立秋則止下洞流水潺

潺大旱不涸洞中石子紅點如丹持出即隱置內

如故白居易恩德洞詩雲水埋藏恩德洞簪裾束

縛使君身暫來不宿歸州去應被山呼作俗

人林逋風水洞詩平昔常聞風水洞重山復水去

無窮因緣偶入雲泉路林下先聞接客鐘趙忞風

水洞詩風穴有聲連水洞聽風觀水暫開身杭州

未入從容甚且與南山作主人蘇軾風水洞和李

節推詩風轉鳴空穴泉幽瀉石門虛心聞地籟妄

意覓桃源過客詩難好居僧語不煩歸瓶得冰雪

清冷慰

文園

浮山 在定山側西湖遊覽志潮入海門分為兩

派東派沿捍江塘向富春西派直射浮山怒激而

回諺稱回頭浪是也錢惟善浮山詩序山浮江如

盤石下有潭聚魚瓊瓏可觀

自赤山埠惠因澗北經三台山過小麥嶺又西

北逾風篁嶺至天門山為南山北路

三台山 南高峯之支其南曰三台山三峯儼峙

中尊旁翼圓秀如畫

旌功祠 在三台山祀明少保兵部尚書贈太傅

十二年乘輿北狩郕王即位謙以兵部尚書外攘
內撫有功社稷英廟復辟石亨徐有貞等誣謙不
軌竟以冤死子冕奉葬於此成化二年廷議始白

上遣行人馬暎諭祭賜諡肅愍建祠曰旌功王守仁旌

功祠柱聯千古痛錢塘並楚國孤臣白馬江邊怒
捲千堆雪浪兩朝冤少保同岳家父子夕陽亭裏

傷心兩地風波錢塘縣志萬歷三十年改諡忠肅諭祭葺

祠王世貞旌功祠詩正統逢今歲風塵日暫蒙乾
坤三已已社稷一于公不作青衣辱依然黃屋

崇祠連賜冢地石馬汗秋風陳子龍于忠肅祠詩
紫蓋烽煙竟不旋手持大計靖江天北門虎臥回

鑿日南內龍飛賜劍年山外怒濤歸碧海家邊荒
草像祈連上皇猶想風雲際曹石功名倍黯然

國朝順治間修仍令春秋致祭

乾隆十二年復修十六年春

聖駕南巡

御題扁額曰

丹心抗節

栗山 在三台山之前上有八盤嶺

東嶽廟 在中台八盤嶺西湖遊覽志宋咸淳中

建以奉泰山之神

法相寺 在惠因寺北咸淳臨安志天福四年吳

越王建舊名長耳相大中祥符九年改今額西湖遊覽志後唐時有僧行修號法真生有異相耳長九寸上過於頂下可結頤稱長耳和尚天成二年自天台國清遊錢塘吳越王待以賓禮居法相院

乾祐四年示寂其徒漆其真身存焉

國朝康熙五十三年殿燬重建

六通律寺

在長耳巷咸淳臨安志乾祐二年吳

越王建舊名惠德塔治平二年改今額

御題畱餘山居

在南高峯北麓山陰陶駟別業其壻

汪文烈關而廣之俗稱陶莊內有瀑布泉從石罅出懸流數丈瀝為深池橫畧約以渡上為樓曰白雲窩拾級而登有臺曰流觀迤左構亭遠矚江海其下洞壑壘瓏卉木叢蔚為堂三楹乾隆丁丑春

翠華臨幸賜題畱餘山居四大字為額

御製畱餘山居雜詠五首

見恭紀名勝

乾隆壬午三月

聖駕再幸

賜題泉傍之亭曰聽泉復

御製五言律詩一首又畱餘山居即景五首

恭紀卷一

小麥嶺 在三台山北接大麥嶺有蘇軾題名

永福橋 在小麥嶺下宋牧馬於此又名飲馬橋

靈應廟 在飲馬橋側咸淳臨安志神姓蔣名通事親至孝紹興十一年七月

月卽小麥嶺桐木下端坐而逝七日如生觀者驚異次年疫作夢神衣紫橫金曰疫不侵此境居民奉而祀之端平丙申境有虎患禱于神遂擒二虎嘉熙間旱惟境內獨雨歲以有秋賜額靈應

花家山 在大麥嶺前西湖遊覽志一名蛇山下

為花港舊有盧園宋內侍盧允升別墅引水入池

異魚游泳舊稱花港觀魚在此

丁家山 瀕湖水色山光上下相接

蕉石山房 丁家山上有高埠平臨湖曲雍正九

年甃石為磴道建亭其上復於山半更置一亭高

下相映山上多紫石璽瓏秀削狀類蕉葉為軒數

楹曰蕉石山房乾隆十六年春

聖駕臨幸

御製丁家山詩見恭紀名勝

靈石山 西湖遊覽志自永福橋折而西北為靈

石山亦名積慶山石常現瑞光故名

積慶寺 在靈石山上咸淳臨安志端平元年建

理宗書額曰積慶教忠寺內有君子泉天一泉

國朝乾隆十六年春

聖駕回鑾舟中題畫冊

御製積慶寺詩見恭紀名勝

玉鈎橋 近靈石山西湖遊覽志靈石山有元道

士張羽墓近玉鈎橋蓋羽賣玉鈎所建故名羽字

伯雨號句曲外史工書能詩文與趙孟頫楊載虞

集揭傒斯齊名

靈石寺 在靈石山久圯西湖遊覽志內有靈石

泉又名歲寒泉竹坡詩話宋西湖諸寺所有無幾

惟南山靈石尚是舊屋寺僧言頃有數道人來丐

食拒而不與乃題詩屋壁而去字類李北海詩云

南塢數回泉石西峯幾疊煙雲登臨孰與為侶顏

寓李甲蕭耘好事者譯之云首一句藏呂字二句

指洞字三句合賓字李甲近世人善畫東坡以比

郭忠恕者顏蕭二人或亦是神仙也

淳忠感昔

許師字三台合

寓李甲蕭疎我車音

南嶽樓回泉石西峯幾疊

食非而不與代殿持氣整而去守

對南山靈石尚吳善呈卡節言即有樓

泉又子燕寒泉石共持遠來西臨諸寺茂音

西湖志纂卷之六

南山勝蹟

自積慶山西北經永清塢過風篁嶺至龍井達

天門山合赤山埠總為南山北路

永清山

在積慶山

一名靈石山

西北咸淳臨安志下

為永清塢

延壽山

在永清山側咸淳臨安志上有崑崙巖

風篁嶺

在延壽山西西湖遊覽志地多蒼筤篠

簞林壑幽邃迥出塵表流泉活活自龍井而下四

時不絕元豐中法師辨才居之名曰風篁

朱彛尊風篁嶺

詩斷崖橫峻嶺穉竹何娟娟時有仙禽拂新粉墜我前欲尋巖下寺揮我風中絃

一片雲石

名勝志風篁嶺上有一片石高數丈

青潤瓊瓏若神工刻鏤舊稱曰一片雲

張丹片雲石詩荒塗

趨沙塢斷崖得石壁鳥足不可棲猿臂豈相借水核實夏凍露珠信畫滴蘭草倒叢生藤根互盤越巧視仰瓊瓏眉宇皆翠色側聞蘿薜人駐此曾洗滌我題聊與賞早閱白雲迹

龍井 過風篁嶺為龍井萬歷杭州府志龍井本

名龍泓澗泉流渟涵一泓清澈相傳有龍在焉禱

雨輒應井有秦少游遊龍井記咸淳五年安撫潛

說友重建石門篆龍井二字

秦觀遊龍井記見藝文

龍王廟 在風篁嶺龍井上咸淳臨安志紹興十

八年賜廟額累封為嘉應廣濟字惠王咸淳五年

安撫潛說友更剏一祠宇

龍井寺 在風篁嶺下咸淳臨安志唐乾祐二年

建名報國看經院宋熙寧中改壽聖院蘇軾書額

紹興間改廣福院淳祐六年改延恩衍慶寺元豐

二年辨才自天竺歸老於此與蘇子瞻趙閱道友

善後人因建三賢堂有過溪亭德威亭歸隱橋方

圓菴寂室照閣閒堂訥齋潮音堂滌心沼獅子峰
薩埵石山川勝槩一時呈露而二蘇趙秦諸賢皆
與辨才爲方外交名章大篇照映泉石武林梵志
歲久圯萬歷二十三年僧真果重修

國朝康熙年間僧一泓重葺

訥齋 蘇軾訥齋記法師辨才以天竺南山山深
木茂泉甘石峻將終老於是吳越人築室而奉之
秦觀少游名其所居曰訥齋師始以法教人叩之
必鳴如千石鍾故人以辨稱之及居此山閉門晏

坐寂然終日如冬枯木如古澗水故人以訥名之
方圓菴 楊傑延恩衍慶院記辨才淨老退居龍
井得壽聖院敝屋數椽鼎新棟宇中有菴曰方圓
不執一也上天竺山志釋守一作方圓菴記米芾
元章書舊西湖志龍井山齋明孝廉聞啟祥別業
是宋人方圓菴遺址見譚元春詩

閒堂 咸淳臨安志在方圓菴東趙清獻公抃既
致政而辨才法師亦退居此山稱二閒人因名
龍泓亭 在龍井上名勝志趙抃龍泓亭詩叙云

子以元豐己未仲春守杭得請歸田出遊南山宿
龍井佛寺今甲子六月朔旦復來老僧辨才登龍
泓亭烹小龍團以迓予因作是詩有龍泓亭上點
龍茶之句

神運石 在龍井上萬歷杭州府志石高可六尺
許竒怪突兀正統十三年中貴李德駐龍井屬旱
令力士淘之初得鐵牌二十四面玉佛一尊金銀
各一錠上鑿大宋元豐年號次得茲石以八十人
拽出之上有神運字其旁多款識漉漫不可讀不

知何代所鐫也繼又得鐵牌十五面銀二條上鑿
吳赤烏年號皆投龍以祈雨者

過溪橋 在龍井咸淳臨安志本名歸隱因東坡
易名曰過溪蘓軾詩序辨才老師退居龍井不復
出入軾往見之常出至風篁嶺左右驚曰遠公復
過虎溪矣辨才笑曰杜子美不云乎與子成二老
來往亦風流因作亭嶺上名之曰過溪亦曰二老
壽聖院 在南山風篁嶺兩湖塵談地勢幽僻峯
巒廻合予童時猶見小菴及辨才塔俗呼為老龍

西湖志纂 卷六
井秦少游題名記所謂夜二鼓至潮音堂訪辨才
即其處今之寺即井之所在非院也

崇恩演福寺 在風篁嶺側西湖遊覽志俗稱南
天竺隋開皇中法師真觀居之操行高潔骨塔存
焉內有白蓮院夕佳樓今廢

無垢院 在演福院後西湖遊覽志無著禪師道
場也舊在石人嶺慶元中移此後併為演福寺
老龍井 在風篁嶺上西湖遊覽志水寒冽異常
其地產茶為兩山絕品再上為天門可通靈竺

自風篁嶺至此均屬龍井古蹟歲久堙廢乾隆二
十六年恭逢

聖母皇太后七旬萬壽浙商葉如春等咸欣忭愛戴蠲闢
壽聖院佛地為祝

釐之所爰疏滌榛莽抉潛剔幽結構亭榭不施丹雘而髹
堊一新二十七年春

上崇奉

安輿

省方幸浙

閱視海塘

駐蹕聖因行宮

勅幾之暇徧歷湖山周咨民隱經南高峯陟風篁嶺開
徑而入見甃石為橋構亭其上

御題曰

過溪亭由亭而西松篁茂密巖壑紆迴繚以周垣中
建大門三楹進內歷磴而上圍以石欄崇墀方廣
羣峰環列儼如萬笏朝天江介海門近在履舄之
下中構正殿五楹

御題曰

篁嶺卷阿

御題殿柱一聯

秀萃明湖游目頻來過溪處

腴涵古井怡情正及採茶時

面臨大池水自龍井而下屈曲奔注湍激瀾迴池
傍雜蒔羣卉飛英蘸水舊名浣花池殿後拾級而
升上建岑樓環以星橋月榭遠供眺矚樓下疊石
為梯躡足而登境益崇敞玉砥砥平上為層臺承

以廣廈

御題曰

清虛靜泰

御書對聯云

欣於所遇何空色

樂在其間足古今

循廊西轉山脊窪窪下有泉一泓鏡澈淵渟深不見底瀟流四溢泠泠然不舍晝夜傍多壽藤古木
虧蔽日月蒼厓圍繞時聞魚躍鳥鳴響答虛谷相

傳有龍居之即龍井也亦稱龍泓泉流琮瑋如奏
琴筑為亭於左

御題曰聽泉亭水環亭縷注瀝為深池舊名浴麟池傍
踞一巨石如蹲獅狀上鏤神運二字并宋元豐間
秦觀題名及諸名人篆隸繡苔斑駁字蹟多不可
辨即前明李德從井中拽出者

御題曰

神運石石西盤旋而上有亭翼然臨於龍井之上為
龍泓亭再上則巉巖仄磴鳥道連雲上有崇岡聳

峙傑閣萬山迴合嵐翠欲滴

御題曰

翠峰閣閣後崖石如屏

御筆磨厓書

湖山第一佳五字閣下西行皆叢篁灌木石逕逶迤

直達高軒則

御碑亭在焉南架小亭二為憇息之所繞出聽泉亭之

左曲廊窸窣啓扉而入為潮音堂即古壽聖院址

中為大雄殿供三世佛像

御題正中之額曰

不着一相

賜題殿柱一聯云

玉毫珠頂無離即

皓月清池得證因

對面為軒三楹方趾圓蓋

御題曰

方圓菴菴外竹樹叢翳日午光不到地延緣而下歛

見層厓壁立高倚天半飛泉傾瀉如足練橫空奔

雷震地歆珠散沫不減匡廬瀑布為南北兩山未
有之奇觀

御題曰

龍泓澗正對為八角亭可坐以觀瀑

御題曰

振鷺亭承以曲廊回環繞出過星橋臨月榭復東北
行見翠石瓊瓏高十許丈宛如朶雲繚繞天際常
有膚寸觸石而起

御題曰

一片雲雲北有堂旁倚小樓面臨曲池演清漾碧纖
塵不染

御題曰

滌心沼復於龍泓澗左翠筠深處建風篁閣閣前巖
石瓊瓏摩崖刻

御書

風篁嶺三字名山勝槩洞矚無遺矣壬午暮春月上
澣

聖駕臨幸

西明志集

卷六

七

御製初遊龍井誌懷三十韻

瀕湖佳景多不可僂指數巖泉各擅長大畧吾能舉
 南山有龍井向聞曾未覩弗肯命騎遊恐費經營苦
 今來卻重飾既成說無補罷去太矯情新晴景更嫵
 是用一涉藩以答衆誠剖花港遵迤西跋馬數里許
 漸入煙霏深南北諸峯語石泉淙其寒千盤曲抱嶼
 蒙籠新篠低似掃塵容武乃至過溪亭下馬相與步
 叶 巉巖羅秀石間砢疊竒楚參差列亭臺無非攬勝
 所最勝則以泉深潭靈物處祈雨每致應利濟功尤

巨瀉為百丈瀑對之久延佇善空一切聲角徵安能

譜神運石或幻沼滌心應與神運石滌心沼為靈瓏

竅簇攢錦繡卉纂組春深鳥妙歌雨後花新舞蘿煙

濕我衣蘭氣馨於炷攀躋越踴躍高下迭賓主造巔

益愜懷暢觀極仰俯江湖辨近遙窪稜窮幽阻名山

所歷屢觀止鮮或旅得句乃命駕遂至日卓午遐思

秦蘇輩辨才此晤聚人地乃相宜萬乘來奚取作詩

誌吾慚卷阿漫擬古

又

御製龍井八詠詩

恭紀名勝

越三日

翠華再幸

御製雨中再遊龍井詩

湖山第一佳信可繫人意江國雨何妨待晴殊艱致
留餘憇塗便因復策遊騎熟路越覺近忽到悅心地
泉石最竒特妙想天開異步步每改觀望望皆精義
三藩藉可晤百昌渾餘事煙絲卒未收潤意含清秘
乘暇圖再經暢覽千峰霽

又

御製龍井上作

深潭噴靈液欲澱更溶漾此與元氣通雨中自宜壯
心神既澄瀘耳目殊供養瀉為垂巖瀑原從足底放
巖下適仰觀計以數百丈乃悟地處高其卑難為望
絜矩有所思惕若萬民上

浹日

上將奉

聖母廻鑾適春霽暄妍百昌暢遂復

駕幸龍井

西泠志纂 卷六 御製再遊龍井即景雜詠六首

明當清蹕復還吳龍井重教揭攬紆似是東坡解畱
客能無一語別斯乎

振鷺翻飛百尺流聲空塵耳色空眸卻曾識得根原
處一勺龍湫更上頭

果然霽景萬峰奇偶詠居然符向詩日前雨中再遊龍井有乘暇圖

再經暢覽千峯霽之句鳥語花香爭節景行雲流水是心期

寒泉怪石行行遇翠竹蒼松面面看只恐辨才有弗
肯從今林穴屬為官

有時鶴叫婆羅梵到處泉淙空腹山寂室閒堂蹟誰
辨重看樓閣起其間

宜晴又復喜宜暄絕勝春光大造恩防悞農蠶明返
棹名山不必更情敦

又

御製坐龍井上煮茶偶成

龍井新茶龍井泉一家風味稱烹煎寸芽生自爛石

上見陸羽茶經時節焙成穀雨前何必鳳團誇御茗聊因

雀舌潤心蓮呼之欲出辨才在笑我依然文字禪

奎藻凌雲光燭霄漢名藍勝蹟萬古長新誠福地之榮
觀聖湖之瑞應也

淨林廣福院 在風篁嶺咸淳臨安志慶元三年

開府楊慶菴移請為額主僧可全創松關南泉芳

桂亭為留憇之地後併為演福寺姜夔廣福院訪
全老詩深衣跨

羸駝杳杳春山路入寺君未知開看移桂樹沈碑
含秀潤隆畫出神奇道人那得此老子乃耽之

白蓮院 在風篁嶺久圯武林舊事相傳晉肇法

師講經於此北磻文集肇法師誦經蓮生陸地鴛

鴛亦能誦經張伯淳遊白蓮寺詩樂事從閒得新
詩以道鳴何人追慧遠入社有淵明

深院不受暑迅雷多快晴
遙知出山處如過虎溪清

顯應廟 在風篁嶺西湖遊覽志宋時以祀郡守

胡則則真宗仁宗朝再守臨安有惠政退老西湖

卒葬於此數見靈異因立廟祀之

金沙泉 在風篁嶺側咸淳臨安志與龍泓澗滙

從飲馬橋入湖

碁盤山 在風篁嶺北西湖遊覽志頂有方石舊

傳丹砂為局子分白黑今已漶漫不可辨

楊梅塢 近南山瑞峰塢天中記塢內有一老嫗

姓金其家楊梅甚盛所謂金婆楊梅是也蘇軾答參寥惠

楊梅詩新居未換一根椽只有楊梅不值錢莫共金家較甘苦參寥不是老婆禪

碧螺峰 在風篁嶺側萬歷錢塘縣志自龍井達

煙霞可三里許兩旁悉皆奇石森峭其最崿者為

碧螺峰

天門山 在北高峰西南西湖遊覽志雙峰削立

高與雲齊故曰天門為南北兩山分界處

獅子峰 在天門山頂勢若蹲獅西湖遊覽志高

出羣岫可見江海北望天竺諸峰歷歷如繪楊維禎

禎獅

子峯觀湖詩海國梅青瘡兩收繩床高踞碧獅頭

三韓水接天無盡百越山窮地欲浮樓閣罡風吹

碧蜃旌旗落日照紅鰓行人莫問驅潮事潮落山

西淺十洲又獅子拏雲湧翠巒我來親拂頂花看

隨潮月上樓臺濕度海雲生鐘磬寒蓬島未應三

萬隔桑田今有幾回乾大千不究恒沙界細問彌

天安釋道

